

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestrái Fundus Petróleu nian

Trimestre ne'ebe hotu iha 30 Junhu 2009

KOMUNIKADU IMPRENSA

Autoridade Bankária no Pagamentu (ABP) ohin lansa Relatóriu Trimestrái ba dala sanulu resin nen ba Trimestre nebe termina iha 30 Junhu 2009 kona ba Fundus Petróleu Timor-Leste nian ne'ebé hatudu katak Kapitál fundus nian iha 30 Junhu 2009 hamutuk millaun \$ 4,901.53 kompara ho millaun \$ 4,750.08 iha fim Marsu 2009.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$383.98 ne'ebé kompostu husi kontribuisaun kontribuinte sira ba Fundus ne'e hamutuk millaun \$116.91 no kontribuisaun realeza (*royalty*) sira husi ANP (*Autoridade Nasional Petróleu*) hamutuk millaun \$267.07.

Rendimentu husi investimentu fundus nian hamutuk millaun US\$-31.61 durante trimestre ne'e, husi ne'ebé kupaun no jurus ne'ebé simu mak millaun \$42,92 no mudansa iha valór notas nian mak millaun -\$74.53. Ne'e resulta ba rendimentu portefoliu fundus nian durante trimestre nee -0.76 % enquanto rendimentu referencia (*benchmark*) ba periodu nee nian mak -0.63 %.

Rendimentu portefoliu durante trimestre ne'e mak pontu baze 14 kiik liu duké rendimentu referência (*benchmark*) ne'ebé mak iha mandatu ± 25 pontus baze nia laran.

Lakon iha valor merkadu nian nee representa parte ida reverse husi valor montante boot nebe hetan i relata tiha iha trimestre sira uluk, no la afeita ba resultadu longo prazu fundus nian tamba kada titulus ida-idak iha portefoliu atu produz rendimentu positivu durante sira ninia existencia. Lakon iha revaluasaun merkadu ne'e tuir movimentu merkadu finanseiru nian.

Lei Fundus petróleu nian espesifika katak Autoridade Bankaria no Pagamentu nu'udar Banku Sentrái Timor-Leste iha futuro, mak nu'udar ajente ne'ebé responsavel ba jestaun operasionál fundus Petróleu nian. Ministériu Finansas responsavel ba establesimentu estratéjia investimentu tomak ba Fundus.

Haktuir negosiasaun kontratu nebe mak relata iha relatorio anterior, akordu Gestaun Investimentu (*Investment Management Agreement*) asina ona iha 3 Junhu 2009 ho Banku Pagamentu (*settlement*) Internasional nudar jestor externu naun-komersial ho inisiu portefoleu millaun \$1. Atu fasilita aranjus operasionál nian nomeia ona jestor tranzisaun ida atu executa likuidasaun titulus Governu EU nian nebe mak uluk maneja husi ABP no atu hari portefoliu inisiu ba mandatu BIS nian. Conseleiru Tranzisaun ida mos halo monitoramentu no supervizona ba ezekusaun tranzisaun nian. Jestaun portefoleu transfere ba BIS iha loron 26 Junhu 2009. Husi periodu 26 to'o 30 Junhu 2009, tempu badak liu hodi produz estatistiku dezempenhu, tamba ne'e mak BIS nia dezempenhu sidauk bele relata iha trimestre Junhu 2009.

Haktuir jestaun nebe halo husi BIS, Akordu Jestaun nebe halo ona amendementu, nogoseia ona entre Ministeriu Finansas no ABP no asina iha loron 25 Junhu 2009. Mandatu nebe iha Akordu Jestaun nee refleta Akordu Jestaun nebe foun. Mandatu nebe fo ba ABP laiha mudansas, mak, atu jere fundu besik ba Indise referensia Merrill Lynch tinan 0-5 Governu Estadus Unidus nian.

Autoridade Bankaria no Pagamentu maneja ona portefoleu besik liu ho pontu referensia trimestre dala 16 dahuluk. Diferensia entre portefoliu no pontu referensia hahu husi inisiu fundus nian mak pontu baze -9 iha meta mandatu ± 25 pontus baze nia laran.

Pontu importante husi Relatóriu Trimestre ba dala XVI, ne'ebé kobre periodu 1 Abril toó 30 Junhu 2009, inklui:

- Saldo balansu inisiu hamutuk millaun \$4,750.08
- Reseita durante trimestre ne'e hamutuk millaun \$383.98 ne'ebé kompostu husi reseita kontribuinte sira hamutuk millaun US\$116.91 no reseita realeza husi ANP (*Autoridade Nasional Petróleu*) nian hamutuk millaun \$267.07. Osan nebe sai mak millaun \$200.92 husi nebe \$200 millaun transfere ba orsamentu jeral estadu nian no rihun 922,766 selu ba BPA hodi kobre kustu operacional ba periodu Janeiru to'o Junhu 2009. Osan kontadu liquidu nebe tama ba Fundu durante trimestre ne'e mak \$183,06 millaun.
- Rendimentu portefolio mak -0,76% durante trimestre no rendimentu referensia (*benchmark*) mak -0,63%.
- Rendimentu investimentu durante trimestere ne'e mak millaun \$-3,61 kompostu husi jurus titulus nian millaun \$42,92 no alterasaun valor titulus mak millaun \$-74.53.
- Saldo balansu ikus hamutuk millaun US\$4.901.53.
- Nomeia ona BIS hanesan jestor externu dahuluk (primeiru) ba mandatu portefoleu billaun \$1 no notas portefoleu transfere ona ba BIS iha loron 26 Junhu 2009.

Relatóriu trimestrál, nu'udar mós lei Fundus Petróleu nian no Akordu Jestaun, disponivel husi sítu Autoridade Bankária no Pagamentu www.bancocentral.tl

Ba informasaun adisionál bele hetan husi:

Venancio Alves Maria
Diretór Ezekutivu
Jestaun Fundus Petróleu,
Autoridade Bankária no Pagamentu Timor-Leste nian
Korreiu-Eletróniku: venancio.maria@bancocentral.tl

Telefone: +(670) 3313718

Dili, 14 Augustu 2009